

四庫全書薈要

• 乾隆御覽本

子部

欽定四庫全書薈要

子部
世說新語卷中之下



詳校官兵部主事臣雷純

世說新語卷中之下

宋 劉義慶 撰

梁 劉孝標 注

賞譽第八下

林下

諸賢各有雋才子籍子渾器量弘曠

世語曰渾字長成清虛寡

欲位至太

康子紹清遠雅正肥濤子簡踈通高素

虞預晉書

子中庶子

曰簡字季倫平雅有父風與嵇紹劉

咸子瞻虛夷有遠

漢等齊名逸尚書出爲征南將軍

志瞻弟孚爽朗多所遺

名士傳曰瞻字千里爽任而少嗜欲不修名行自得於懷讀書

不甚研求而識其要仕至太子舍人年三十卒中興書

曰字風韻踈誕少有門風初爲安東參軍蓬髮飲酒不

以王務長秀子純悌並令淑有清流竹林七賢論曰純字

嬰心長悌位至侍中悌字

叔遜位至御史中丞晉諸公贊戎子萬子有大成之風

曰洛陽敗純悌出奔爲賊所害戎子萬子有大成之風

苗而不秀晉諸公贊曰王綏字萬子辟太尉掾不就

戎令食糠而年十九卒晉書曰戎子萬有美號而太肥

肥愈甚也唯伶子無聞凡此諸子唯瞻爲冠紹簡亦

見重當世

庾子躬有廢疾甚知名家在城西號曰城西公府虞預

曰琮字子躬潁川人太帝晉書

峻第二子仕至太尉掾

王夷甫語樂令名士無多人故當容平子知

王澄別傳曰澄風韻

邁達志氣不羣從兄戎兄夷甫名冠當年四海人士一爲澄所題月則二兄不復措意云已經平子其見重如此是以名聞益盛天下知與不知莫不傾注澄後事迹不逮朝野失望及舊遊識見者猶曰當今名士也

王太尉云郭子玄語議如懸河瀉水注而不竭

名士傳曰子玄

有雋才能

言老莊

司馬太傅府多名士一時雋異庾文康云見子嵩在其

中常自神王

晉陽秋曰數爲太傅從事中郎

太傅東海王鎮許昌以王安期爲記室叅軍雅相知重

勅世子毗曰夫學之所益者淺體之所安者深閑習禮
度不如式瞻儀形諷味遺言不如親承音旨王叅軍人
倫之表汝其師之或曰王趙鄧三叅軍人倫之表汝其
師之謂安期鄧伯道趙穆也

趙興郡行狀曰穆字季子
及郡人貞淑平粹才識清

通歷尚書郎太傅叅軍太傅趙與穆及王承阮瞻鄧攸
書曰禮八歲出就外傳十年曰幼學明可以漸先王之
教也然學之所受者淺體之所安者深是以閑習禮度
不如式瞻軌儀諷味遺言不如親承辭音小兒毗既無
令淑之資未聞道德之風欲屈諸君時以閑豫周旋燕
誨也穆歷晉明帝師冠軍將軍吳郡太守封南鄉侯

袁宏作名士傳直云王叅軍或云趙家先猶有此本

庾太尉少爲王眉子所知庾過江嘆王曰庇其宇下使

人忘寒暑

晉諸公贊曰立少希幕簡曠八王故事曰立爲陳留太守或勸立過江投瑯琊王立曰王

處仲得志於彼家叔猶不免害豈能容我謂其器宇不容於敷也

謝幼輿曰友人王眉子清通簡曠嵇延祖弘雅劭長董

仲道卓犖有致度

王隱晉書曰董養字仲道太始初到洛下干祿求榮永嘉中洛城東北角

步廣里中地陷中有二鵝蒼者飛去白者不能飛問之博識者不能知養聞歎曰昔周時所盟會狄泉此地也卒有二鵝蒼者胡象後胡當入洛白者不能飛此國諱也謝鯤元化論序曰陳留董仲道於元康中見惠帝廢揚悛后升太學堂嘆曰建此堂也將何爲乎每見國家教書謀反逆皆赦孫殺王父母子殺父母不赦以爲王

法不容也奈何公卿處議文飾禮典以至此乎天人之理既滅大亂斯起顧謂謝鯤阮孚曰易稱知幾其神乎君等可深藏矣乃與妻荷擔入蜀莫知其所終

王公曰太尉巖巖清峙壁立千仞

顧愷之是甫畫贊曰夷甫天形壞特識者

以為巖巖秀峙壁立千仞

庾太尉在洛下問訊中郎使中郎留之云諸人當來尋

溫元甫

晉諸公贊曰溫幾字元甫太原人才性清婉歷司徒右長史湘州刺史卒官

劉王喬

曹嘉之晉紀曰劉疇字王喬彭城人父訥司隸校尉疇善談名理曾避亂塢壁有胡數百欲害之疇無懼色援笳而吹之爲出塞入塞之聲以動其遊客之思於是群胡皆泣而去之位至司徒左長史裴叔則俱

至酬酢終日庾公猶憶劉裴之才雋元甫之清中

中一作平

蔡司徒在洛見陸機兄弟住參佐解中三間瓦屋士龍住東頭士衡住西頭士龍爲人文弱可愛士衡長七尺餘

聲作鐘聲言多忼慷

文士傳曰雲性弘靜怡然爲士及所宗機清厲有風格爲鄉黨所

憚

王長史是庾子躬外孫

王氏譜曰潁父詢娶潁州庾琮之女字三壽也

丞相目

子躬云入理泓然我已上人

子躬子爲兄也

庾太尉自庾中郎家從談談之許

名士傳曰鼓不爲辨析之談而舉其旨要

太尉王夷甫雅重之也 一作家

從談之祖從 一作誦許 一作辭

庾公目中郎神氣融散差如得上

晉陽秋曰敦頗無淵放莫有動其聽者

劉琨稱祖車騎爲朗詣曰少爲王敦所歎

虞預晉書曰

陽道人器蕩不修儀檢輕財好施晉陽秋曰逖與司空

劉琨俱以雄豪著名年二十四與琨同辟司州主簿情

好綢繆共被而寢中夜聞鷄鳴俱起曰此非惡聲也每

語世事則中宵起坐相謂曰若四海鼎沸豪傑共起吾

與足下相避中原耳爲汝南太守值京師傾覆率流民

數百家南渡行達泗口安東板爲徐州刺史逖既有家

才常慷慨以中原爲己任乃說中宗雪復神州之計拜

爲豫州刺史使自招募逖率部曲百餘家北渡江誓

曰祖逖若不濟中原而後濟此者苟如大江攻城畧地
招懷義士屢推石虎虎不敢復窺河南石勒爲逖母墓

置守吏劉琨與親舊書曰吾枕戈待旦志稟逆虜常恐
祖生先吾著鞭耳會其病卒先有妖星見豫州分遣曰
此必爲吾也天未欲滅

寇故耳贈車騎將軍

時人目庾中郎善於託大長於自藏

名士傳曰鼓雖居
職任未嘗以事自

嬰從容博嗚奇道而已是時天下多故機事屢起有爲
者拔奇吐異而禍福繼之數常然然故憂喜不至也

王平子邁世有雋才少所推服每聞衛玠言輒歎息絕

倒 玠別傳曰玠少有名理善道莊老琅邪王平子高氣
不羣邁世獨傲每聞玠之語議至于理會之間要妙

之際輒絕倒於坐前後三聞爲之三

倒時人遂曰衛君談道平子三倒

王大將軍與元皇表云舒風縈簡正允作雅人自多於

遽

王舒已見王遂別傳曰遂字處重琅邪人舒弟也意局剛清以政事稱累遷中領軍尚書左僕射舒遂並

弟

從

最是臣少所知拔中間夷甫澄見語卿知處明茂

弘茂弘已有令名真副卿清論處明親踈無知之者吾

常以卿言為意殊未有得恐已悔之臣慨然曰君以此

試頃來始乃有稱之者言常人正自患知之使過不知

使負責實

使一作使

周侯於荊州敗績還未得用王丞相與人書曰雅流弘

器何可得遺

鄧粲母紀曰顛為荊州始至而建平民傳密等叛逆蜀賊顛狼狽失據陶侃救

之得免顛顛至武昌投王敦敦更選
侃代顛顛還建康未即得用也

時人欲題目高坐而未能桓廷尉以問周侯周侯曰

可謂卓朗桓公曰精神淵著

高坐傳曰庾亮周顛桓彝
一代名士一見和尚披衿

致契曾爲和尚作日久之未得有云尸利密可稱卓朗
於是桓始咨嗟以爲操之極似宣武嘗云少見和尚稱
其精神淵著當年出倫
其爲名士所嘆如此

王大將軍稱其兒云其神候似欲可

王應也

卞令目叔向朗朗如百間屋

春秋左氏傳曰叔向
羊舌肸也晉大夫

王敦爲大將軍鎮豫章衛玠避亂從洛投敦相見欣然

談話彌日于時謝鯤為長史敦謂鯤曰不意永嘉之中

復聞正始之音阿平若在當復絕倒 玠別傳曰玠至武昌見王敦敦與之

談論彌日信宿敦頓謂僚屬曰昔王輔嗣吐金聲于中朝此子今復玉振于江表微言之緒絕而復續不意永嘉之中復聞正始之音

阿平若在當復絕倒

王平子與人書稱其兒風氣日上足散人懷 永嘉流人名曰澄弟

四子微澄別傳曰

微邁上有父風

胡母彥國吐佳言如屑後進領袖 言談之流靡靡如解木出屑也

王丞相云刁玄亮之察察戴若思之巖巖 虞預書曰戴儼字若

思廣陵人才甚辯濟有風標鋒穎果逸征西

卞望之之

將軍爲王敦所害贈左光祿大夫儀同三司

峯距

卞壺別傳曰壺字望之濟陰宛句人父粹太常卿

軍尚書令蘇峻作亂率衆距戰父子二人俱死王難鄧

粲晉紀曰初咸和中貴遊子弟能談嘲者慕王平子謝

幼輿等爲達壺屬色于朝曰悖禮傷教罪莫斯甚中朝

傾覆實由于此欲奏治之王導庾亮不從乃止其後昏

折節爲名士語林曰孔坦爲侍中密啟成帝不宜往拜

曹夫人丞相聞之曰王茂弘驚病耳若卞望之之嚴巖

刁玄亮之察察藏若思之峰距當敢

屬不此言殊有由緒故聊載之耳

大將軍語右軍汝是我佳子弟

按王允謂羲之是敦從父兄子

當不減

阮主簿

中興書曰阮裕少有德

行王敦聞其名召爲主簿知敦有不臣之心乃縱酒昏酣不綜其事

世目周侯疑如斷山

晉陽秋曰顛正情疑然雖一時儕類皆無敢媒近

王丞相招祖約夜語至曉不眠明日有客公頭髮未理亦小倦客曰公昨如是似失眠公曰昨與士少語遂使人忘疲

王大將軍與丞相書稱揚朗曰世彥識器理致才隱明斷既爲國器且是揚侯淮之子

世語曰淮字始立弘農華陰人曾祖彪祖修有

名前世父器典軍校尉淮元康末爲蕪州刺史荀綽蕪州記曰淮見王綱不挾遂縱酒不以官事規意稍愒卒歲而已成都王知淮不治猶以其名士惜而不遣召爲軍諮議祭酒府散傳家關東諸侯欲以淮補三事以示

懷賢尚德之事未施行
而卒時年二十有七

位望殊爲陵遲卿亦足與之處

何次道往丞相許丞相以麈尾指坐呼何共坐曰來來

此是君坐

何充已見

丞相治揚州廨舍按行而言曰我正爲次道治此爾何

少爲王公所重故屢發此嘆

晉陽秋曰充導妻弟之子明穆皇后之妹夫也思韻

淹濟有文義才情導深器之由是少有美譽遂歷顯位導有副貳已使繼相意故屢顯此指於上下

王丞相拜司徒而嘆曰劉王喬若過江我不獨拜公

曹嘉

之晉紀曰疇有重名永嘉中爲閩州所害司徒蔡謨每嘆曰若使劉王喬得南渡司徒公之美選也

王藍田爲人晚成時人乃謂之癡

晉陽秋曰述體道清粹簡貴靜正怡然自

足不交非類雖羣英紛紛俊又交馳

述獨蔑然曾不慕羨由是名譽久蘊

王丞相以其東海

子辟爲掾常集聚王公每發言衆人競贊之述于末坐

曰主非堯舜何得事事皆是丞相甚相嘆賞

言非聖人不能無過

意識讚述之徒

世目揚朗沈審經斷蔡司徒云若使中朝不亂楊氏作

公方未已謝公云朗是大才

八王故事曰揚淮有六子曰喬髦朗琳俊仲皆得美

名論者以謂恣有台輔之望文康庾公每追嘆曰中朝不亂諸揚作公未已也

劉萬安即道真從子庾公

琮字躬

所謂灼然玉舉又云千

人亦見百人亦見

劉氏譜曰綏字萬安高平人祖與太祝令父斌著作郎綏歷驃騎長史

庾公爲護軍屬桓廷尉覓一佳吏乃經年桓後遇見徐

寧而知之遂致於庾公曰人所應有其不必有人所應

無已不必無真海岱清士

徐江州本事曰徐寧字安期東海郡人通明有德素少知

名初爲興縣令燕國桓彛有人偷鑿識嘗去職無事至廣陵尋親舊遇風停浦中累日在船憂邑上岸消搖見一空宇有似廨署異訪之云興縣廨也今姓徐名字尋既獨行思遂悟賞卿造之寧清惠博涉相過怡然遂停宿因留數夕與寧結交而別至都謂庾亮曰吾爲卿得一佳吏部郎亮問所在彛即叙之累遷吏部郎左將軍

江州
刺史

桓茂倫云褚季野皮裏陽秋謂其裁中也

晉陽秋曰京簡穆有器識故爲

異所

目也

何次道嘗送東人瞻望見賈寧在後輪中曰此人不死

終爲諸侯上客

晉陽秋曰寧字建寧長樂人賈氏孽子也初自結于王應諸葛瑾應敗浮遊吳會吳

人咸侮辱之聞京師亂馳出投蘇峻峻甚暱之以爲謀主及峻聞義軍起自姑孰屯于石頭是寧之計峻

敗先降仕至新安太守

杜弘治墓崩哀容不稱庾公顧謂諸客曰弘治至羸不

可以致哀

晉陽秋曰杜又字弘治京兆人祖預父錫有
譽前朝又少有令名仕丹陽丞蚤年成帝納

又女
爲后

又曰弘治哭不可哀

世稱庾文康爲豐年玉穉恭爲荒年穀庾家論云是

文康稱恭爲荒年穀庾長仁爲豐年玉

謂亮有廊廟之
器翼有匡世之

才各有
用也

世目杜弘治標鮮季野穆少

江左名士傳曰
又清標令士也

有人目杜弘治標鮮清令盛德之風可樂詠也

語林曰
有人目

杜弘治標解甚清令初若熙怡

容無韻感德之風可樂詠也

庾公云逸少國舉故庾倪爲碑文云拔萃國舉

倪庾倩小字也

徐廣晉紀曰倩字少彥司空冰子皇后兄也有才具仕至太宰長史桓溫以其宗彊使下邳王晃誣與謀反之誅

庾穉恭與桓溫書稱劉道生日夕在事大小殊快義懷

通樂既佳且足作友正實良器推此與君同濟艱不者

也宋明帝文章志曰劉恢字道生沛國人識局明濟有文武才王濛每稱其思理淹通藩屏之高選爲車騎

司馬年三十六

卒贈前將軍

王藍田拜揚州主簿請諱教云亡祖先君名播海內遠

近所知內諱不出於外

禮記曰婦人之諱不出門

餘無所諱

蕭中郎孫丞公婦父劉尹在撫軍坐時擬爲太常劉尹

云蕭祖周不知便可作三公不自此以還無所不堪晉

官名曰蕭輪字祖周樂安人劉謙之晉紀

曰輪有才學善三禮歷常侍國子博士

謝太傅未冠始出西詣王長史清言良久去後荀子問

曰王濛子倚

向客何如尊長史曰向客疊疊爲來逼人

王右軍語劉尹故當共推安石劉尹曰若安石東山志

立當與天下共推之

續晉陽秋曰初安家于會稽工
虞縣優遊山林六七年間徵召

不至雖彈奏相屬繼以
禁錮而晏然不屑也

謝公稱藍田掇皮皆真

徐廣晉紀曰述
真審真意不顯

桓溫行經王敦墓邊過望之云可兒可兒

孫綽與庾亮
牋曰王敦可

人之目數
十年間也

殷中軍道王右軍云逸少清貴人吾於之甚至一時無

所後

文章志曰羲之高爽
有風氣不類常流也

王仲祖稱殷淵源非以長勝人處長亦勝人

晉陽秋
曰浩善

以通和
接物也

王司州與殷中軍語嘆云已之府奧蚤已傾寫而見殷

陳勢浩汗衆源未可得測

徐廣書紀曰浩清言妙辯立致當時名流皆爲其美譽

王長史胡林公真長可謂金玉滿堂林公曰金玉滿堂復

何爲簡選王曰非爲簡選直致言處自寡耳

胡言人之辭寡

非擇言而出也

王長史道江道羣人可應有乃不必有人可應無已必

無中興書曰江灌字道羣陳留人僕射彭從弟也有才器與從凡道名相亞任尚書中護軍

會稽孔沉魏顛虞球虞存謝奉並是四族之雋于時

之桀

沈存頤奉並別凡虞氏譜曰球字和琳會稽餘姚人祖授興廣州刺史父基右軍司馬球仕至黃門侍郎

孫興公目之曰沉為孔家金顛為魏家玉虞為長琳

宗謝為弘道伏

長琳即存及球字也弘道謝奉字也言虞氏宗長琳之才謝氏伏道弘之美也

王仲祖劉真長造殷中軍談談竟俱載去劉謂王曰

淵源真可王曰卿故墮其雲霧中

中興書曰浩能言理談論精微長于周易

故風流者皆宗歸之

劉尹每稱王長史云性至通而自然有節

濛別傳曰濛之交物虛已

納善起而後行希見其喜愠之色凡與一面莫不敬而愛之然少孤事諸母甚謹寫義穆族不脩小潔以清貧

見稱

王右軍道謝萬石在林澤中爲自適上歎林公器朗神

儻

支遁別傳曰適任
心獨往風期高亮

道祖士少風領毛骨恐沒世不復見

如此人道劉真長標雲柯而不扶踈

劉尹別傳曰悛
既令望姻婭帝

室故屢居連官然性不偶俗心淡榮利
雖身登顯列而每挹降閑靜自守而已

簡文目庾赤玉省率治除謝仁祖云庾赤玉胷中無宿

物

赤玉庾統小字中興書曰統字長仁潁川人
衛將軍暉子也少有令名仕至尋陽太守

殷中軍道韓太常曰康伯少自標置居然是出羣器及

其發言遣辭往往有情致

續晉陽秋曰康伯清和有思理幼爲舅殷浩所稱

簡文道王懷祖才既不長於榮利又不淡直以真率少

許便足對人多多許

晉陽秋曰述少貧約單瓢陋巷不求聞達由是爲有識所重

林公謂王右軍云長史作數百語無非德音如恨不苦

苦謂窮人以辭

王曰長史自不欲苦物

殷中軍與人書道謝萬文理轉道成殊不易

中興書曰萬才器備

秀善自銜曜故致有時譽兼善屬文能談論時人稱之

王長史云江思悛思懷所通不翅儒域

徐廣晉紀曰江悛字思悛陳留

人僕射彫弟也性篤學手不釋書博覽墳
典儒道兼綜徵聘無所就年四十九而卒

許玄度送母始出都人間劉尹玄度定稱所聞不劉曰

才情過於所聞許氏譜曰玄度母華軼女也繁詢集詢
出都迎婦於路賦詩續晉陽秋亦然而

此古送母

疑修矣

阮光祿云王家有三年少右軍安期長豫阮裕王悅安
期王應並已

見

謝公道豫章若遇七賢必有把臂入林江左名士傳曰鯁
通簡有識不倚威

儀好迹逸而心整形濁而古清居身若穢動不累高隣
家有女當住挑之女方織以梭投折其兩齒既歸傲然

長嘯曰猶不廢我嘯
歌其不事形骸如此

王長史歎林公尋微之功不減輔嗣

支遁別傳曰遊神心
警悟清識玄遠嘗至

京師王仲祖稱其造

微之功不異王弼

殷淵源在墓所幾十年于時朝野以擬管葛起不起以

卜江左興亡

續晉陽秋曰時穆帝幼冲母后臨朝簡文
親賢民望任登宰輔桓溫有平蜀洛之勳

擅強西陲帝自料文弱無以抗之陳郡殷浩素有盛名
時論叱之管葛故微浩為揚州溫知意在抗己甚忿焉

殷中軍道右軍清鑒貴要

晉安帝紀曰蕞
之風骨清舉也

謝太傅為桓公司馬

續晉陽秋曰初安優遊山水以數
文析理自娛桓溫在西著欽其威

名顯朝廷請爲司馬以世道未夷
志存匡濟年四十起家應務也

桓詣謝值謝梳頭遽

取衣幘桓公云何煩此因下其語至暝既去謂左右曰
頗曾見如此人不

謝公作宣武司馬屬門生數十人於田曹中郎趙悅子

伏滔大司馬寮屬名曰悅字悅子

下邳人歷大司馬參軍左衛將軍

悅子以告宣武宣武

云且爲用半趙俄而悉用之曰昔安石在東山搢紳敦
逼恐不豫人事况今自鄉選反違之邪

桓宣武表云謝尚神懷挺率少致民譽

溫集載其平洛表曰今中州既

平宜時綏定鎮西將軍豫州刺史尚神懷挺率少致人
譽是以入贊百揆出蕃方司宜進據洛陽撫寧黎庶謂
可本官都督
司州諸軍事

世目謝尚爲令達阮遥集云清曠似達或云尚自然令

上晉陽秋曰尚率易
挺達超悟令上也

桓大司馬病謝公徃省病從東門入温時在
姑孰桓公遥望

嘆曰吾門中久不見如此人

簡文目敬豫爲朗豫王恬已見文字志曰恬識
理明責爲俊進冠冕也

孫興公爲庾公叅軍共遊白石山衛君長在坐衛氏
譜曰

永字君長成陽人
位至左軍長史

孫曰此子神情都不關山水而能作

文庾公曰衛風韻雖不及卿諸人傾倒處亦不近孫遂

沐浴此言

王右軍目陳玄伯壘塊有正骨

陳奉已見

王長史云劉尹知我勝我自知

濛別傳曰濛與沛國劉悛齊名時人以濛比袁

曜卿悛比荀奉倩而

共交友甚相知賞也

王劉聽林公講王語劉曰向高坐者故是凶物復東聽

王又曰自是鉢釘後王何人也

高逸沙門傳曰王濛恒尋適過祇洹寺中講正

在高坐上每舉塵尾常領數百言而情理俱暢預坐百餘人皆結舌注耳濠云聽講衆僧向高坐者是鉢釘後後王何人也

許玄度言琴賦所謂非至精者不能與之析理劉尹其人非淵靜者不能與之閑止簡文其人

嵇叔夜琴賦也
劉恢真長丹陽

尹

魏隱兄弟少有學義

魏氏譜曰隱字安時會稽上虞人歷義興太守御史中丞弟暹

黃門總角詣謝奉奉與語大悅之曰大宗雖衰魏氏已

復有人

簡文云淵源語不超詣簡至然經綸思尋處故有局陳

初法汰北來未知名

車頻泰書曰釋道安為慕容晉所掠欲投襄陽行至新野集衆議曰

今遭凶年不依國主則法事難舉乃分僧衆使竺法汰詣揚州曰彼多君子上勝可投法汰遂渡江至揚土焉

王領軍供養之

中興書曰王洽字敬和丞相導弟三子累遷吳郡內史爲士民所懷徵拜中領

軍尋加中書令不拜年二十六而卒

每與周旋行來往名勝許輒與俱不

得汰便停車不行因此名遂重

名德沙門題曰曰法汰高亮開達孫綽爲汰贊

曰淒風拂林明泉映壑真與法汰校德無忤事外蕭灑神內恢廓實從前起名隨後躍泰元起居注曰法汰以

十二卒烈宗詔曰法汰師喪

逝哀痛傷懷可贈錢十萬

王長史與大司馬書道淵源識致安處足副時談

謝公云劉尹語審細

孫綽為懷諫叙曰神猶淵鏡言必珠玉

桓公語嘉賓阿源有德有言向使作令僕足以儀刑百揆朝廷用違其才耳

嘉賓却起小字也阿源殷浩也

簡文語嘉賓劉尹語末後亦小異回復其言亦乃無過

孫興公許玄度共在白樓亭

會稽記曰亭在山陰臨流映壑也

共商畧

先姓名達林公既非所關聽訖云二賢故自有才情

王右軍道東陽我家阿林章清太出

林應為臨王氏譜曰臨之字仲產琅

邪人僕射彪之子
仕至東陽太守

王長史與劉尹書道淵源觸事長易

謝中郎云王脩載樂託之性出自門風

王氏譜曰者之
字脩載琅邪人

荊州刺史庾弟三子歷中
書郎都陽太守給事中

林公云王敬仁是超悟人

文字志曰脩之
少有秀令之稱

劉尹先推謝鎮西謝後推重劉曰昔嘗北面

按謝尚年
長於悛神

穎夙彰而曰北
面于劉非可信

謝太傅稱王脩齡曰司州可與林澤遊

王胡之別傳曰
胡之常遺世務

以高尚爲情與

謝安相善也

諺曰揚州獨步王文度後來出人郝嘉賓

續晉陽秋曰
超少有才氣

越世負俗不循常檢時人爲一代盛譽者語曰大才槃
槃謝家安江東獨步王文度盛德日新郝嘉賓其語小
異故詳
錄焉

人問王長史江郈兄弟羣從王荅曰諸江皆復足自生

活郈及弟淳從灌並
有德行知名于世

謝太傅道安北見之乃不使人厭然出戶去不復使

人思

安北王坦之也續晉陽秋曰謝安初攜幼穉同好
養志海濱襟情超曷尤好聲律然抑之以禮在哀

能至弟萬之喪不聽絲竹者將十年及輔政而倚室第
園館麗車服雖恭功之慘不廢妓樂王坦之因苦諫焉

按謝公蓋以王坦之
好直言故不思爾

謝公云司州造勝遍決

宋明帝文章志曰胡
之性簡好達立言也

劉尹云見何次道飲酒使人欲傾家釀

充飲酒
能溫克

謝太傅語真長阿齡於此事故欲太厲

修齡王胡
之小字也劉

曰亦名士之高操者

胡之別傳曰胡之治
身清約以風操自居

王子猷說世目士少爲朗我家亦以爲徹朗

晉諸公贊
曰祖約少

有清
稱

謝公云長史語甚不多可謂有令音

王濛別傳曰濛性和暢能清言談道

貴理中簡而有會商畧古賢顯默之際辭旨劭令往往有高致

謝鎮西道敬仁文學鏃鏃無能不新

語林曰敬仁有異才時賢皆重

乏王右軍在郡迎敬仁叔仁輒同車常惡其遲後以馬迎敬仁雖復風雨亦不以車也

劉尹道江道羣不能言而能不言

江灌已見

林公云見司州警悟交至使人不得住亦終日忘疲

王胡

之別傳曰胡之少有風尚才器率舉有秀悟之稱

世稱荀子秀出阿興清和

荀子已見阿興王蘊小字

簡文云劉尹茗柯有實理

初一作打又作打又作打

謝胡兜作著作郎嘗作王堪傳

晉諸公贊曰堪字世胄東平壽張人少以高亮

義正稱爲尚書左丞有草繩操爲石勒所害贈太尉

不諳堪是何似人咨謝公謝

公荅曰世胄亦被遇堪烈之子

晉諸公贊曰烈字陽秀蚤知名魏朝爲治書御

史

阮千里姨兄弟潘安仁中外安仁詩所謂子親伊姑我

父惟舅是許允婿

岳集曰堪爲成都王軍司馬岳送至北印別作詩曰微微髮膚受之父母

我我王侯中外之首

子親伊姑我父唯舅

謝太傅重鄧僕射常言天地無知使伯道無兒

晉陽秋曰鄧攸

既棄子遂無復繼

嗣爲有穢傷惜

謝公與王右軍書曰敬和棲託好佳

中興書曰洽於公子中最知名與頴

川荀羨俱

有美稱

吳四姓舊目云張文朱武陸忠顧厚

吳錄士林曰吳郡有顧陸朱張爲四

姓三國之間

四姓感焉

謝公語王孝伯君家藍田舉體無常人事

按述雖簡而性不寬裕投

火怒繩方之未甚若非太傅虛

相張飾則世說謬設斯語也

許掾嘗詣簡文爾夜風恬月朗乃共作曲室中語襟情
之詠偏是許之所長辭寄清婉有逾平日簡文雖契素
此遇尤相咨嗟不覺造鄉共义手語達于將旦既而曰
玄度才情故未易多有許

續晉陽秋曰詢能言理曾出
都迎姊簡文皇帝劉真長說

其情音及襟懷之詠每

造鄉賞對夜以繁日

殷允出西郗超與袁虎書云子思求良朋託好足下勿
以開美求之

中興書曰允字子思陳郡人太常康弟六
子恭素謙退有儒者之風歷吏部尚書

世目袁爲開美故子敬詩曰袁生開美度

謝車騎問謝公真長性至峭何足乃重荅曰是不見耳

阿見子敬尚使人不能已

語林曰羊驥因酒醉撫謝左軍謂太傅曰此家詎復後鎮

西太傅曰汝阿見子敬便沐浴爲論兄輩推此言意則安以立不見真長故不重耳見子敬尚重之况真長乎

謝公領中書監王東亭有事應同上省王後至坐促王

謝雖不通太傅猶歛衽容之

王謝不通事別見

王神意閑暢謝

公傾目還謂劉夫人曰向見阿瓜故自未易有

按王詢小字法

護而此言何瓜未爲可解倘小名有兩耳

雖不相關正是使人不能已已

王子敬語謝公公故蕭灑謝曰身不蕭灑君道身最得

身正自調暢

續晉陽秋曰安弘雅有氣風神調暢也

謝車騎初見王文度曰見文度雖蕭灑相遇其復惜惜

竟夕

范豫章謂王荊州

范甯王忱並已見

卿風流俊望真後來之秀

王曰不有此舅焉有此甥

子敬與子猷書道兄伯蕭索寡會遇酒則酣暢忘反乃自可矜

張天錫世雄涼州以力弱詣京師雖遠方殊類亦邊人

之樂也

天錫已見

聞皇京多才欽羨彌至猶在渚住司馬著

作往詣之

未詳

言容鄙陋無可觀聽天錫心甚悔來以遐

外可以自固王彌有雋才美譽當時聞而造焉

續晉陽秋曰珉

風情秀發才辭富麗

既至天錫見其風神清令言語如流陳說古

今無不貫悉又諳人物氏族中來皆有證據天錫訝服

王恭始與王建武甚有情後遇袁悅之間遂致疑隙

晉安

帝紀曰初悅與族子恭少相善齊聲見稱及並登朝俱爲主相所待內外始有不咸之論恭獨深憂之乃告悅曰悠悠之論願有異同當由驃騎簡于朝覲故也將無從容切言之邪若主相暗進吾徒得戮力明時復何憂

哉忱以為然而慮弗見令乃令袁忱具言之忱每欲問
恭乃於王生貴讓恭曰卿何妄生同異疑誤朝野其言
切厲恭雖惋悵謂忱為搆已也忱雖心不負
恭而無以自亮於是情好大離而怨隙成矣然每至與
會故有相思時恭嘗行散至京口射堂于時清露晨流
新桐初引恭目之曰王大故自濯濯

司馬太傅為二王目曰孝伯亭亭直上阿大羅羅清踈

恭正亮沈烈
忱通朗挺放

王恭有清辭簡旨能叙說而讀書少頗有重出

中興書
曰恭雖

才不多而
清辨過人
有人道孝伯常有新意不覺為煩

殷仲堪喪後桓玄問仲文卿家仲堪定是何似人仲文曰
雖不能休明一世足以映徹九泉

續晉陽秋曰仲堪仲文之從兄也少有美譽

品藻第九

汝南陳仲舉潁川李元禮二人共論其功德不能定先

後蔡伯喈

續洪書曰蔡伯喈陳留圉人通達有雋才博學善屬文伎藝術數無不精練仕至左中郎

將為王允所誅評之曰陳仲舉彊於犯上李元禮嚴於攝下犯

上難攝下易

張璠漢紀曰時人為之語曰不畏彊禦陳仲舉天下模楷李元禮

仲舉遂

在三君之下

謝沉漢書曰三君者一時之所貴也竇武劉淑陳蕃少有高操海內尊而稱之故得因以為目

元禮居八俊之上

薛瑩漢書曰李膺王暢荀綰朱寓魏朗劉佑杜楷趙典爲八俊英雄記曰

先是張儉等相與作衣冠亂彈彈中人相調言我彈中誠有八俊八人猶古之八元八凱也謝沉書曰俊者卓出之名也姚信士緯曰陳仲舉體氣高烈有王臣之節李元禮忠壯正直有社稷之能海內論之未決蔡伯喈抑一言以變之疑論乃定也

龐士元至吳吳人並友之

蜀志曰周瑜領南郡士元爲功曹瑜卒士元送喪至吳吳

人多聞其名及當還西並會閭門與士元言

見陸績

文士傳曰績字公紀幼有雋朗才數博學多通

龐士元年長於績共爲交友仕至鬱林太守自知亡日年三十二而卒

顧劭全琮

環濟吳紀曰琮

字子黃吳郡錢塘人有德行義槩爲大司馬

而爲之目曰陸子所謂駑馬有

逸足之用顧子所謂駑牛可以負重致遠或問如所目
陸爲勝邪曰駑馬雖精速能致一人耳駑牛一日行百
里所致豈一人哉吳人無以難金子好聲名似汝南樊

子昭

蔣濟萬機論曰許子將褒貶不平以拔樊子昭而抑許文休劉曄難曰子昭拔自賈整年七十

退能守靜進不苟競濟答曰子昭誠自幼至長容貌
完潔然觀其揅齒牙樹頰頰吐脣吻自非文休之敵

顧劭嘗與龐士元宿語問曰聞子名知人吾與足下

孰愈曰陶冶世俗與時浮沈吾不如子

吳志曰劭好樂人倫自州郡庶

幾及四方人事往來相見或諷議而去或結友而別風聲流聞遠近稱之論王霸之餘策覽

倚伏之要害吾似有一日之長劭亦安其言

吳錄曰劭安其言更

親之

諸葛瑾弟亮及從弟誕

吳書曰瑾字子瑜其先葛氏琅邪諸縣人後徙陽都陽都先有

姓葛者時人謂諸葛因爲氏瑾少以至孝稱累遷豫州牧六十八卒魏志曰誕字公休爲吏部郎人有所屬託輒顯其言而亟用之後有當不則公議其得失以爲褒貶自是羣寮莫不慎其所舉累遷揚州刺史鎮東將軍司空誅並有盛名各在一國于時以爲蜀得其龍吳得

其虎魏得其狗誕在魏與夏侯立齊名瑾在吳吳朝服

其弘量

吳書曰瑾避亂渡江大皇帝取爲長史遣使蜀但與弟亮公會相見反無私面而又有容貌思

度時人服
其弘量

司馬文王問武陔陳玄伯何如其父司空陔曰通雅博

暘能以天下聲教為己任者不如也明練簡至立功立

事過之
魏志曰陔與秦善故文王問之

正始中人士比論以五荀方五陳荀淑方陳寔荀靖方

陳謚
逸士傳曰靖字叔慈潁川人有雋才以孝著名兄弟八人號八龍隱身修學動止合禮弟爽亦有才

學顯名當世或問汝南許章與與靖執賢章曰二人皆玉也慈明外朗叔慈內潤太尉辟不就年五十終時人

惜之號玄荀爽方陳紀荀彧方陳群
典畧曰彧字大若潁川人為漢侍中

守尚書令或爲人英偉折節待士坐不累席其在臺閣
間不以私欲撓意年五十薨謚曰敬侯以其名德高迨
贈太尉荀顛方陳泰晉諸公贊曰顛字景倩或之子踰禮
立德思義溫雅加深識國體累遷光

祿大夫晉受禪封臨淮公典朝儀刊正國式爲一代
之制轉太尉爲台輔德望清重留心禮教卒謚康公又

以八裴方八王裴徽方王祥裴楷方王夷甫裴康方王

綏晉百官名曰康字仲豫徽之子晉裴綽方王澄王朝

曰綽字仲舒楷弟也名亞裴瓚方王敦晉諸公贊曰瓚
於楷歷中書黃門侍郎字國寶楷之子

才氣爽儁裴遐方王導裴頠方王戎裴邈方王玄

冀州刺史楊淮二子喬與髦俱總角爲成器淮與裴頠

樂廣友善遣見之頗性弘方愛喬之有高韻謂淮曰喬

當及卿髦小減也廣性清淳愛髦之有神檢謂淮曰喬

自及卿然髦尤精出淮笑曰我二兒之優劣乃裴樂之

優劣論者評之以爲喬雖高韻而檢不匝樂言爲得然

並爲後出之雋荀綽冀州記曰喬字國彥與朗有遠意髦字士彥清平有貴識並爲後出之雋

爲裴頡樂廣所重晉諸公贊曰喬似淮而疎晉爲二十石髦爲石勒所害

劉令言始入洛劉氏譜曰納字令言彭城叢亭人祖瑾見諸樂安長父彪魏洛陽令納歷司隸校尉

名士而歎曰王夷甫太解明樂彥輔我所敬張茂先我所不

解周弘武巧於用短

王隱晉書曰周恢字弘武汝南人祖斐永寧少府父隆州從事恢仕

至秦相秩中二千石

杜方叔拙於用長

晉諸公贊曰杜育字方叔襄城鄆陵人杜襲孫也育

幼便岐嶷號神童及長美風姿有才落時人號曰杜聖累遷國子祭酒洛陽將沒為賊所殺

王夷甫云閭丘冲

荀綽兗州記曰冲字賓卿高平人家世二千石冲清平有鑒識博學有文義累

遷太傅長史雖不能立功蓋世然聞義不惑當世蒞事

務于平允操持文案必引經誥飾以文采未嘗有滯性

尤通達不矜不假好音樂侍婢在側不釋弦管出入乘

四望車居之甚夷不能虧損恭素之行淡然肆其心志

論者不以為侈不以為僭至于白首而清名令望不渝

于始為光祿勳京邑未潰乘車出為賊所害時人皆痛

惜優於滿奮郝隆

晉諸公贊曰隆字弘始高平人為通亮清識為吏部郎揚州刺史齊王

同起義隆應徽稽留
爲參軍王邃所殺

此三人並是高才冲最先達

兖州記曰

于時高平人士偶盛滿奮郝隆達在冲前名位已顯而劉寶王夷甫猶以冲之虛貴足先二人

王夷甫以王東海比樂令

江左名士傳曰承言理辯物但明其旨要不爲辭費有識

伏其約而能通太尉王夷甫一世龍門見而雅重之以比南陽樂廣

故王中郎作碑云當

時標榜爲樂廣之儷

庾中郎與王平子雁行

晉陽秋曰初王澄有通朗稱而輕薄無行兄夷甫有威名

時人許以人倫鑒識常爲天下士目曰阿平第一子嵩第二處仲第三斂以澄敦莫已若也及澄長敦敗斂世

譽如初

王大將軍在西朝時見周侯輒扇障面不得住

敦性強梁旬少

及長李倫斬妓曾無異色若斯傲

狠豈憚于周顛乎其言不然也

後度江左不能復爾

王嘆曰不知我進伯仁退

沈約書曰周顛王敦素憚之見輒面熱雖復臘月亦扇面不

休其憚如此

會稽虞駿元皇時與桓宣武同俠其人有才理勝望

光虞

祿傳曰駿字思行會稽餘姚人虞繻曾孫右光祿潭兄子也雖機幹不及潭而至行過之歷吏部郎吳興守徵

為金紫光祿大夫卒

王丞相嘗謂駿曰孔愉有公才而無公望丁

潭有公望而無公才

愉已見會稽後賢記曰潭字世康山陰人吳司徒固曾孫也沈婉有

雅望少與孔愉齊名仕至光祿大夫晉陽秋曰孔敬康
丁世康張偉康俱著名時謂會稽三康偉康名茂嘗夢
得大象以問萬雅雅曰君當爲大郡而不善也象大獸
也取其音狩故爲大郡然象以齒喪身後爲吳郡果爲
沈充所殺兼之者其在卿乎駿未達而喪

虞光祿傳曰駿未登台鼎時論

屈稱

明帝問周伯仁卿自謂何如郝鑿周曰鑿方臣如有功

夫復問郝郝曰周顛比臣有國士門風

鄧粲晉紀曰伯仁清正巍然以

德望稱之

王大將軍下庾公問聞卿有四友何者是荅曰君家中

郎我家太尉阿平胡母彥國

八王故事曰胡母輔之少有雅俗鑒識與王澄度數

王敦王夷甫爲四友今故答也

阿平故當最劣度曰似未肯劣度又問

何者居其右王曰自有人又問何者是王曰噫其自有

公論左右躡公公乃止

敦自謂右者在已也

人問丞相周侯何如和嶠答曰長與嵯巖

虞預晉書曰嶠厚自封植

巖然不羣

明帝問謝鯤君自謂何如庾亮答曰端委廟堂使百僚

準則臣不如亮一丘一壑自謂過之

晉陽秋曰鯤隨王敦下入朝見太子

於東宮語及夕太子從容問鯤曰論者以君方庾亮自謂孰愈對曰宗廟之美百官之富臣不如亮縱意丘壑自胡過之鄧粲晉紀曰鯤與王澄之徒慕竹林諸人散首披髮裸袒箕踞謂之八達故隣家之女折其兩齒世爲嗤曰任達不已幼與折齒鯤有勝情遠概爲朝廷之望故時以庾亮方焉

王丞相二弟不過江曰顛曰敞時論以顛比鄧伯道敞

比温忠武議郎祭酒者也

王氏譜曰顛字茂英位至議郎年二十卒敞字茂平丞相

祭酒不就襲爵堂邑

公年二十有二而卒

明帝問周侯論者以卿比郝鑿云何周曰陛下不須牽

顛比

按顛死彌年明帝乃即位世說此言妄矣

王丞相云頃下論以我比安期千里亦推此二人唯共

推太尉此君持秀

晉諸公贊曰夷甫性矜峻少爲同志所推

宋禕曾爲王大將軍妾後屬謝鎮西鎮西問禕我何

如王荅曰王比使君田舍貴人耳鎮西妖冶故也

未詳宋禕

明帝問周伯仁卿自謂何如庾元規對曰蕭條方外亮

不如臣從容廊廟臣不如亮

按諸書皆以謝鯨比亮不聞周顛

王丞相辟王藍田爲掾庾公問丞相藍田何似王曰真

獨簡貴不減父祖然曠澹處故當不如爾

王述猶隘故也

卞望之云郝公體中有三反方於事上好下佞已一反

治身清貞大脩計較二反自好讀書憎入學問三反

按太尉劉寔論王肅方於事上好下佞已性嗜榮貴不求苟合治身不穢尤惜財物王郝志性儉亦有同乎

世論溫太真是過江第二流之高者時名輩共說人物

第一將盡之間溫常失色

溫氏譜序曰晉大夫卻至封於溫子孫因此居太原祁縣

爲郡著姓

王丞相云見謝仁祖恒令人得上與何次道語唯舉

手指地曰正自爾馨

前篇及諸書皆云王公重何充謂必代已相而此章以手指地意如

輕詆或清言折理

何不速謝故邪

何次道爲宰相人有譏其信任不得其人

晉陽秋曰充所暱庸雜以

此預名

阮思曠慨然曰次道自不至此但布衣超居宰相

之位可恨惟此一條而已

語林曰阮光祿聞何次道爲宰相嘆曰我當何處生活此

則阮未詳何爲用輔二說便相符也

王右軍少時丞相云逸少何緣復減萬安邪

劉綏已見

郗司空家有僮奴知及文章事事有意王右軍向劉

尹稱之劉問何如方回

郗惜別傳曰惜字方回高平金鄉人太宰鑿長子也淵靖純素

無執無競簡私暱平交遊
歷會稽內史侍中司徒

王曰此正小人有意向耳何

得便比方回劉曰若不如方回故是常奴耳

時人道阮思曠骨氣不及右軍簡秀不如真長韶潤不

如仲祖思致不如淵源而兼有諸人之美

中興書曰裕以人不須廣

學正應以禮讓爲先故終日頽然無所脩綜而物自宗之

簡文云何平叔巧累於理嵇叔夜傷傷具道

理本具率巧則非其

致道唯虛澹傷則違其宗所以二子不免也

時人共論晉武帝出齊王之與立惠帝其失孰多

晉陽秋曰

齊王攸字大猷文帝第二子孝敬忠肅清和平允親賢
下士仁惠好施能屬文善尺牘初荀勗馮統爲武帝親
幸攸惡勗之依勗懼攸或嗣立必誅已且攸甚得衆心
朝賢景附會帝有疾攸及皇太子入問訊朝士皆屬目
於攸而不在太子至是勗從容曰陛下萬年後太子不
得立也帝曰何故勗曰百寮內外皆歸心于齊王太子
安得立乎陛下試詔齊王歸國必舉朝謂之不可若然
則臣言徵矣侍中馮統又曰陛下必欲建諸侯成五等
宜從親始親莫若齊王帝從之於是下詔使攸之國攸
聞勗統間已憂忿不知所爲入辭出歐血薨帝哭之慟
馮統侍曰齊王名過其實而天下歸之今自薨殞
陛下何哀之甚帝乃止劉毅聞之故終身稱疾焉多謂

立惠帝爲重桓温曰不然使子繼父業弟承家祀有何

不可

武帝兆禍亂覆神州在斯而已輿隸且知其若此况宣武之弘儁乎此言非也

人問殷淵源當世王公以卿比裴叔道云何殷曰故當

以識通暗處

遐與浩並能清言

撫軍問殷浩卿定何如裴逸民良久荅曰故當勝耳

桓公少與殷侯齊名常有競心桓問殷卿何如我殷云我

與我周旋久寧作我

撫軍問孫興公劉真長何如曰清蔚簡令王仲祖何如

曰溫潤恬和

徐廣晉紀曰凡稱風流者皆舉王劉為宗焉

桓溫何如曰高爽

邁出謝仁祖何如曰清易令達阮思曠何如曰弘潤通

長袞羊何如曰洮洮清便殷洪遠何如曰遠有致思卿
自謂何如曰下官才能所經悉不如諸賢至於斟酌時
宜籠罩當世亦多所不及然以不才時復託懷玄勝遠
詠老莊蕭條高寄不與時務經懷自謂此心無所與讓
也

桓大司馬下都問真長曰聞會稽王語竒進爾邪

桓溫別傳

曰興寧九年以溫克復舊京肅靜華夏進都督
中外諸軍事侍中大司馬加黃鉞使人叅朝政

劉曰極

進然故是第二流中人耳桓曰第一流復是誰劉曰正

是我輩耳

殷侯既廢桓公語諸人曰少時與淵源共騎竹馬我棄

去已輒取之故當出我下

續晉陽秋曰簡文輔政引殷浩爲揚州欲以抗桓桓素輕

浩未之憚也

人問撫軍殷浩談竟何如荅曰不能勝人差可獻酬羣心

簡文云謝安南清令不如其弟

安南謝奉也已見謝氏譜曰奉弟聘字弘遠歷

侍中廷尉卿

學義不及孔巖

中興書曰巖字彭祖會稽山陰人父儉黃門侍郎巖有才學歷

丹陽尹尚書西陽侯在朝多所匡正
爲吳興太守大得民和後卒于家

居然自勝

言奉任天真也

未廢海西公時王元琳問桓元子箕子比干迹異心同

不審明公孰是孰非曰仁稱不異寧爲管仲

論語曰微子去

之箕子爲之奴比干諫而死子曰殷有三仁焉子路曰桓公殺公子糾召忽死之管仲不死曰未仁乎子曰桓公九合諸侯一匡天下不以兵車管仲之力如其仁如其仁

劉丹陽王長史在瓦官寺集桓護軍亦在坐

桓伊已見共商

略西朝及江左人物或問杜弘治何如衛虎桓荅曰弘

治膚清衛虎奕奕神令王劉善其言

虎衛玠小字玠別傳曰永和中劉真

長謝仁祖共商畧中朝人或問杜弘治可方衛洗馬不
謝曰安得比其間可容數人江左名士傳曰劉真長曰
吾請評之弘治膚清叔
寶神清論者謂爲知言

劉尹撫王長史背曰阿奴比丞相但有都長

阿奴濛小字也都美

也司馬相如傳曰閑雅甚都語林曰劉真長與丞相不相得每曰阿奴比丞相條達清長

劉尹王長史同坐長史酒酣起舞劉尹曰阿奴今日不

復減向子期

類秀之任率也

桓公問孔西陽安石何如仲文

西陽即孔巖也

孔思未對反問

公曰何如荅曰安石居然不可陵踐其處故乃勝也

謝公與時賢共賞說過胡兒並在坐公問李弘度曰卿

家平陽何如樂令

晉諸公贊曰李重字茂重江夏鍾武人少以清尚見稱歷吏部郎平陽太

守

於是李潛然流涕曰趙王篡逆樂令親授璽綬

晉陽

秋曰趙王倫篡位樂廣與滿奮崔隨進璽綬

亡伯雅正恥處亂朝遂至仰藥

恐難以相比此自顯於事實非私親之言

晉諸公贊曰趙王爲相國

取重爲左司馬重以倫將篡辭疾不就敦喻之重不復自治至於篤甚扶曳受拜數日卒時人惜之贈歆騎常侍
謝公語胡兒曰有識者果不異人意

王修齡問王長史曰我家臨川何如卿家宛陵長史未

荅修齡曰臨川譽貴長史曰宛陵未為不貴

中興書曰義之自會

稽王友改授臨川太守王述從驃騎功曹出為宛陵令述之為宛陵多修為家之具初有勞苦之聲丞相王導使人謂之曰名父之子屈臨小縣甚不宜爾述荅曰足自當止時人未之達也後屢臨州郡無所造作世始嘆服之

劉尹至王長史許清言時荀子年十三倚牀邊聽既去

問父曰劉尹語何如尊長史曰韶音令辭不如我往輒

破的勝我

劉惔別傳曰惔有雋才其談詠虛勝理會所歸王濛略同而叙致過之其詞當也

謝萬壽春敗後簡文問郗超萬自可敗那得乃爾失士

卒情超曰伊以率任之性欲區別智勇

中興書曰萬之為豫州氏

范暴掠司豫鮮卑屯結并翼萬既受方任自率衆入潁以拔洛陽萬矜豪傲物失士衆之心北中郎郝崇以疾還彭城萬以爲賊賊敗退便向還南遂自潰亂狼狽單歸太宗責之廢爲庶人

劉尹謂謝仁祖曰自吾有四友門人加親謂許玄度曰

自吾有由惡言不及於耳二人皆受而不恨

尚書大傳曰孔子曰

大王有四友自吾得回也門人加親是非胥附邪自吾得賜也遠方之士至是非奔走邪自吾得師也前訂輝後有光是非先後邪自吾得由也惡言不入于耳是非禦侮邪

世目殷中軍思緯淹通比羊叔子

羊祜德高一世才經夷險淵源蒸燭之曜

豈喻日月之明也

有人問謝安石王坦之優劣於桓公桓公停欲言中悔
曰卿喜傳人語不能復語卿

王中郎嘗問劉長沙曰我何如荀子

大司馬官屬名曰劉典字文時

彭城人劉氏譜曰典祖起彭城內史父濟臨海令典歷車騎咨議長沙相散騎常侍

劉答曰卿才

乃當不勝荀子然會名處多王笑曰癡

支道林問孫興公君何如許掾孫曰高情遠致弟子

蚤已服膺一吟一詠許將北面

王右軍問許玄度卿自書何如安石許未答王因曰

安石故相爲雄阿萬當裂眼爭耶

中興書曰萬器量不及安石雖居瑯任安

在私門之時名

稱居萬上也

劉尹云人言江彪田舍江乃自田宅屯

胡能多出有也

謝公云金谷中蘇紹最勝紹是石崇姊夫蘇則孫愉子

也 石崇金谷詩叙曰余以元康六年從太僕卿出爲使持節監青徐諸軍事征虜將軍有別廬在河南縣界

金谷澗中或高或下有清泉茂林衆果竹柏藥草之屬莫不畢備又有水碓魚池土窟其爲娛目歡心之物備

矣時征西大將軍祭酒王翊當還長安余與衆賢共送往澗中晝夜遊宴屢遷具坐或登高臨下或列坐水濱時琴瑟笙筑合載車中道路並作及住舍與鼓吹遞奏遂各賦詩以叙中懷或不能者罰酒三斗感性命之不

未懼凋落之無期故具列時人官號姓名年紀又寫詩
著後後之好事者其覽之哉凡三十人吳王師振郎闕
中侯始平武功蘇紹字世嗣年五十爲首魏書曰蘇則
字文師扶風武功人剛直疾惡常慕汲黯之爲人仕至
侍中河東相晉百官名曰愉字休豫則次子
山濤故事曰愉忠義有智意位至光祿大夫

劉尹目庾中郎雖言不悖悖似道突兀差可以擬道士

傳曰欽頽然洲放

莫有動其聽者

孫承公云謝公清於無弈

中興書曰孫統字承公太原人善屬文時人謂其有

祖楚風仕潤於林道

陳遼別傳曰遼字林道潁川許昌人祖淮太尉父粲光祿大夫遼少

有餘以清敏立名襲封廣陵公黃門
郎西中郎將領梁淮南二郡太守

或問林公司州何如二謝林公曰故當攀安提萬

王胡之別

傳曰胡之好談諧善

屬文辭爲當世所重

孫興公許玄度皆一時名流或重許高情則鄙孫穢

行或愛孫才藻而無取於許

宋明帝文章志曰綽博涉經史長於屬文與許詢俱

與負俗之族詢卒不降志而綽嬰綸世務焉續晉陽秋曰綽雖有文才而誕縱多穢行時人鄙之

郝嘉賓道謝公造郝雖不深徹而纏綿綸至又曰右軍

詣嘉賓嘉賓聞之云不得稱詣政得謂之朋耳謝公以

嘉賓言爲得

凡微詣者蓋深覈之名也謝不做王亦不詣謝王於理相與爲朋儔也

庾道季云思理倫和吾愧康伯志力彊正吾愧文度自

此以還吾皆百之

庾敳已見

王僧恩輕林公藍田曰勿學汝兄汝兄自不如伊

僧恩王禕

之小字也王氏世家曰禕之字文劭述次子少知名尚尋陽公主任至中書郎年三十而卒坦之悼念與桓溫

稱之贈散

騎常侍

簡文問孫興公表羊何似荅曰不知者不負其才知之

者無取其體

言其有才而無德也

蔡叔子云韓康伯雖無骨幹然亦膚立

郝嘉賓問謝太傅曰林公談何如嵇公謝云嵇公勤著

脚裁可得去耳

支遁別曰遁神悟機發風期所得自然超邁也

又問殷何如支

謝曰正爾有超拔支乃過殷然亶亶論辯恐口欲制支

庾道李云廉頗藺相如雖千載上使人慄慄恒如有生

氣

史記曰廉頗者趙良將也以勇氣聞諸侯藺相如者趙人也趙惠文王時得楚和氏璧秦昭王請以十五

城易之趙遣相如送璧秦受之無還城意相如請壁示

其瑕因持壁卻立倚柱怒髮上衝冠曰王欲急臣臣頭

今與璧俱碎秦王謝之後秦王使趙王鼓瑟相如曹

請秦王擊筑趙以相如功大拜上卿位在廉頗上曹

除曹茂之小字也曹氏譜曰茂之字永世彭城人也

祖韶鎮東將軍司馬父曼少府卿茂之任至尚書郎李

志晉百官名曰志字溫祖江夏鍾武人李氏譜曰志祖重散騎常侍父慕純陽令志仕至員外常侍南康相

雖見在厭厭如九泉下人人皆如此便可結繩而治但

恐狐狸獠貉噉盡

言人皆如曹李質魯淳慤則天下無姦民可結繩致治然才智無聞

功迹俱滅身盡于狐狸無擅世之名也

衛君長是蕭祖周婦兄謝公問孫僧奴

僧奴孫騶小字也晉百官名曰

騶字伯海太原人中興書曰騶純子也博學歷中庶子廷尉

君家道衛君長云何孫

曰云是世業人謝曰殊不爾衛自是理義人于時以比

殷洪遠

王子敬問謝公林公何如庾公謝殊不受荅曰先輩

初無論庾公自足沒林公

殷羨言行曰時有人稱庾太尉理者羨曰此公好譽宗木

桓

謝道諸人共道竹林優劣謝公云先輩初不減貶七賢

魏氏春秋曰山濤通簡有德秀咸戎伶朗達有雋才子時之談以阮爲首王戎次之山向之徒皆其倫也若如

盛言則非無臧貶此言謬也

有人以王中郎比車騎車騎聞之曰伊窟窟成就

續晉陽秋

曰坦之雅貴有識量風格峻整

謝太傅謂王孝伯劉尹亦竒自知然不言勝長史

王黃門兄弟三人俱詣謝公子猷子重多說俗事

王氏譜曰

操之字子重羲之第六子歷

秘書監侍中尚書豫章太守

子敬寒溫而已既出坐客

問謝公向三賢孰愈謝公曰小者最勝客曰何以知之

謝公曰吉人之辭寡蹠人之辭多推此知之

謝公問王子敬君書何如君家尊答曰固當不同公曰外人

論殊不爾王曰外人那得知

宋明帝文章志曰猷之善隸書變右軍法為今體字畫秀媚妙

絕時倫與父俱得名其章草踈弱殊不及父或訊猷之云羲之書勝不莫能判有問羲之云世論卿書不逮猷

之答曰殊不爾也它日見獻之問尊君書何如獻之不
答又問論者云君固當不如獻之笑而答曰人那得知
也

王孝伯問謝太傅林公何如長史太傅曰長史韶興問
何如劉尹謝曰噫劉尹秀王曰若如公言並不如此二
人邪謝云身意正爾也

人有問太傅子敬可是先輩誰比謝曰阿敬近撮王劉
之標

續晉陽秋曰獻之文義並非所長而能撮其勝會故擅名一時爲風流之冠也

謝公語孝伯君祖比劉尹故爲得逮孝伯云劉尹非不

能逮直不逮言濛質而快文也

袁彥伯為吏部郎子敬與郗嘉賓書曰彥伯已入殊足

頓興往之氣故知鞭撻自難為人冀小郗當復差耳

王子猷子敬兄弟共賞高士傳人及贊子敬賞并丹高

潔子猷云未若長卿慢世嵇康高士傳曰丹字大春扶風郡人博學高論京師為之

語曰五經紛綸并大春未嘗書刺謁一人北宮五王更

請莫能致新陽侯陰就使人要之不得已而行侯設麥

飯葱菜以觀其意丹推卻曰以君侯能供美膳故來相

過何謂如此乃出城饌侯起左右進輦丹笑曰聞然紂

駕人車此所謂人車者邪侯即去輦越騎梁松貴震朝

廷請交丹丹不肯見後丹得時疾松自將醫視之病愈

久之松矢大男磊丹一往弔之時賓客滿廷丹表福不
充入門坐者皆懷望其顏色丹四向長揖前與松語客
主禮畢後長揖徑坐莫得與語不肯爲吏徑出後遂隱
遁其贊曰井丹高潔不慕榮貴抗節五王不交非類顯
讓輦車左右失氣披褐長揖義陵羣萃司馬相如者蜀
郡成都人字長卿初爲郎事景帝梁孝王來朝從遊說
士鄒陽等相如說之因病免遊梁後過臨邛富人卓王
孫女文君新寡好音相如以琴心挑之文君奔之俱歸
成都後居貧至臨邛買酒舍文君當壚相如著犢鼻褌
滌器市中爲人口吃善屬文仕宦不慕高爵常託疾不
與公卿大事終于家其贊曰長卿慢世越禮自放犢鼻
居市不恥其狀託疾避官蔑此卿相乃賦大人超然莫
高

有人問袁侍中

袁氏譜曰恪之字元祖陳郡陽夏人祖
王孫司徒從事中郎父綸臨汝令恪之

任黃門侍郎義熙初爲侍中

曰殷仲堪何如韓康伯荅曰理義所得

優劣乃復未辨然門庭蕭寂居然有名士風流殷不及韓故殷作誄云荆門晝掩閑庭晏然

王子敬問謝公嘉賓何如道季荅曰道季誠復鈔撮清

悟嘉賓故自上謂超拔也

王珣疾臨困問王武岡曰

中興書曰謚字雅遠丞相導孫車騎劭子有才麗襲爵武

岡侯位至司徒世論以我家領軍比誰武岡曰世以比王北中

郎東亭轉卧向壁嘆曰人固不可以無年

領軍王洽珣之父也年二

十六卒珣意以其父名德
過坦之而無年故致此論

王孝伯道謝公濃至又曰長史虛劉尹秀謝公融

謂條
暢也

王孝伯問謝公林公何如右軍謝曰右軍勝林公林公

在司州前亦貴徹

不言若羲之
而言勝胡之

桓玄爲太傅大會朝臣畢集坐裁竟問王楨之曰我何

如卿第七叔

王氏譜曰楨之字公幹琅邪人徹之子歷
侍中大司馬長史第七叔即獻之是也

于時賓客爲之咽氣王徐徐答曰亡叔是一時之標公

是千載之英一坐懽然

桓玄問劉太常曰我何如謝太傅

劉瑾集叙曰瑾字仲璋南陽人祖遐父暘

暘娶王羲之女生瑾瑾

有才力歷尚書太常卿

劉荅曰公高太傅深又曰何如

賢舅子敬荅曰楯梨橘柚各有其美

莊子曰楯梨橘柚其味相反皆可於

也口

舊以桓謙比殷仲文

中興書曰謙字敬祖冲弟三子尚書僕射中軍將軍晉安帝紀曰仲

文有器貌才思

桓玄時仲文入桓於庭中望見之謂同生曰我

家中軍那得及此也

規箴第十

漢武帝乳母嘗於外犯事帝欲申憲乳母求救東方

朔漢書曰朔字曼倩平原厭次人朔別傳曰朔南陽步廣里人列仙傳曰朔是楚人武帝時上書說便宣拜

郎中宣帝初棄官而朔曰此非唇舌所爭爾必望濟者將

去時但當屢顧帝慎勿言此或可萬一冀耳乳母既至

朔亦侍側因謂曰汝癡耳帝豈復憶汝乳哺時恩邪帝

雖才雄心忍亦深有情戀乃悽然愍之即敕免罪史記滑稽

傳曰漢武帝少時東武侯母嘗養帝後號大乳母其子

孫從奴橫暴長安中當道奪人衣服有司請從乳母於

邊奏可乳母入解帝所幸倡郭舍人發言陳辭雖不合

大道然令人主和說乳母乃先見爲下泣舍人曰即入

辭勿去數還顧乳母如其言舍人疾言罵之曰咄老女子何不疾行陛下已壯矣寧尚須乳母活耶尚何還顧邪於是人主憐之詔止毋徙罰請者

京房與漢元帝共論因問帝幽厲之君何以亡所任何人荅曰其任人不忠房曰知不忠而任之何邪曰亡國之君各賢其臣豈知不忠而任之房稽首曰將恐今之

視古亦猶後之視今也

漢書曰京房字君明東郡頓丘人尤好鍾律知音聲以孝廉爲

郎是時中書令石顯專權及友人五鹿充宗爲尚書令與房同經論議相是非而此二人用事房嘗宴見問工曰幽厲之君何以亡所任何人上曰君亦不明而臣巧佞房曰知其巧佞而任之邪將以爲賢邪上曰賢之房

曰然則今何以知其不賢上曰以其時亂而君危知之
房曰是任賢而理任不肖而亂自然之道也幽厲何不
覺悟而蚤納賢何爲卒任不肖以至亡於是工曰亂亡
之君各賢其臣今昏覺悟安得亂亡之君房曰齊桓二
世何不以幽厲疑之而任豎刁趙高政治日亂邪上曰
唯有道者能以往知來耳房曰自陛下即位盜賊不禁
刑人滿市云云問上曰今治也亂也上曰然愈於彼房
曰前二君昏然臣恐後之視今猶今之視昔也上曰今
爲亂者誰房曰上所親與圖事帷幄中者房指謂石顯
及充宗顯等乃建言宜試房以郡守邊以房爲東郡顯
發其私事

坐棄市

陳元方遭父喪哭泣哀慟軀體骨立其母愍之竊以錦
被蒙上郭林宗弔而見之謂曰卿海內之雋才四方

是則如何當喪錦被蒙上孔子曰衣夫錦也食夫稻也

於汝安乎

論語曰宰我問三年之喪君已久矣子曰食夫稻衣夫錦於汝安乎夫君子居喪食旨不

甘聞樂不樂居處不安故不爲也今汝安則爲之

吾不取也奮衣而去自後

賓客絕百所曰

所一作許

孫休好射雉至其時則晨去夕反羣臣莫不止諫此

爲小物何足甚躑休曰雖爲小物耿介過人朕所以好

之環濟吳紀曰休字子烈吳大帝第六子初封琅邪王

夢乘龍上天顧不見尾孫琳廢少主迎休立之銳意

典籍欲竟覽百家之事顧好射雉至春晨出莫反唯此時舍書崩謚景帝條列吳事曰休在位蒸蒸無有遺事

唯射雄
可機

孫皓問丞相陸凱曰卿一宗在朝有幾人陸曰二相五
侯將軍十餘人皓曰盛哉陸曰君賢臣忠國之盛也父
慈子孝家之盛也今政荒民弊覆亡是懼臣何敢言盛
吳錄曰凱字敬風吳人丞相遜族子忠鯁有大節篤志
好學初爲建忠校尉雖有軍事手不釋卷累遷左丞相
時後主暴虐凱正直彊諫以
其宗族彊盛不敢加殊也

何晏鄧颺令管輅作卦云不知位至三公不卦成輅稱
引古義深以戒之颺曰此老生之常談

輅別傳曰輅字
公明平原人也

明周易聲發徐州冀州刺史裴徽舉秀才謂曰何卿二
尚書有經國才畧於物理無不精也何尚書神明清徹
殆破秋毫君當慎之自言不解易中九事必當相問比
至洛宜善精其理輅曰若九事皆至義不足勞思若陰
陽者精之久矣輅至洛陽果爲何尚書問九事皆明何
曰君論陰陽此世無雙也時卿尚書在曰此君善易而
語初不論易中辭義何邪輅荅曰夫善易者不論易也
何尚書含笑贊之曰可謂要言不煩也因謂輅曰聞君
非徒善論易至于分著思又亦爲神妙試爲作一卦知
位當至三公不又頃夢青蠅數十采鼻頭上驅之不去
有何意故輅曰鸛鷦天下賤鳥也及其在林食黍甚則
懷我好音况輅心過草木注情葵藿敢不盡忠唯察之
爾昔元凱之相重華宣慈惠和仁藪之至也周公之翼
成王坐以待旦敬慎之至也故能流光六合萬國咸寧
然後據鼎足而登金鉉調陰陽而濟兆民此履道之休
應非卜筮之所明也今君侯位重山岳勢若雷霆望雲

赴景萬里馳風而懷德者少畏威者衆殆非小心異
多福之士又異者良也此天中之山高而不危所以長
守貴也今青蠅與惡之物而集之焉位峻者顛輕者
亡必至之分也夫變化雖相生極則有害虛滿雖相受
溢則有竭聖人見陰陽之性明存亡之理損益以爲哀
抑進以爲退是故山在地中曰謙雷在天上曰大壯謙
則哀多益寡大壯則非禮不履伏願君侯上尋文王六
爻之旨下思尼父彖象之義則三公可決青蠅可驅郭
曰此老生之常談路曰夫老生
者見不生常談者見不談也

晏曰知幾其神乎古人

以爲難交踈吐誠今人以爲難今君一面盡二難之道

可謂明德惟馨詩不云乎中心藏之何日忘之

名士傳曰是時

曹爽輔政識者慮有危機晏有重名與魏姻戚內雖懷
憂而無復退也著五言詩以言志曰鴻鵠比翼遊羣飛

戲大清常畏大網羅憂禍一旦并豈若集五湖從流嘆
浮萍永寧曠中懷何爲怵惕驚蓋因輅吉懼而賦詩

晉武帝既不悟太子之愚必有傳後意諸名臣亦多獻
直言帝嘗在陵雲臺上坐衛瓘在側欲申其懷因如醉
跪帝前以手撫牀曰此坐可惜帝雖悟因笑曰公醉邪

晉陽秋曰初惠帝之爲太子咸謂不能親政事衛瓘每
欲陳啟廢之而不敢也後因會醉遂跪牀前曰臣欲有
所啟帝曰公所欲言者何邪瓘欲言而復止者三因以
手撫牀曰此坐可惜帝意乃悟因謬曰公真大醉也帝
後悉召東宮官屬大會令左右齋尚書處事以示太子
令處決太子不知所對賈妃以問外人代太子對多引
古詞義給使張弘曰太子不學陛下所知宜以見事斷
不宜引書也妃從之弘具草奏令太子書呈帝大說以

示瑾於是賈充語妃曰衛瑾老奴
幾敗汝家妃由是怨瑾後遂誅之

王夷甫婦郭泰寧女

晉諸公贊曰郭豫字泰寧太原人仕至相國參軍知名早卒

才

拙而性剛聚斂無厭干豫人事夷甫患之而不能禁時

其鄉人幽州刺史李陽京都大俠

晉百官名曰陽字景祖高尚人武帝時為

幽州刺史語林曰陽性遊俠威暑一日詣數百家別賓客與別帝填門遂死于几下故懼之

猶漢之

樓護

漢書遊俠傳曰護字君卿齊人學經傳甚得名譽母死送奠車三千兩仕至天水太守

郭氏

憚之夷甫驟諫之乃曰非但我言卿不可李陽亦謂卿

不可郭氏小為之損

王夷甫雅尚玄遠常嫉其婦貪濁口未嘗言錢字

晉陽秋曰

夷甫善施舍父時有假貸者皆與焚券未嘗謀貨利之事王隱晉書曰夷甫未富貴得富貴資財山積用不能消安須問錢乎而世以婦欲試之令婢以錢遶牀不得不問為高不亦惑乎

行夷甫晨起見錢閱行呼婢曰舉卻阿堵物

王平子年十四五見王夷甫妻郭氏貪欲令婢路上儋糞

平子諫之並言不可郭大怒謂平子曰昔夫人臨終以小

郎囑新婦不以新婦囑小郎

永嘉流人名曰澄父又弟三取樂安任氏女生澄

急捉衣裾將與杖平子饒力爭得脫踰窓而走

元帝過江猶好酒王茂弘與帝有舊常流涕諫帝許之

命酌酒一酣從是遂斷

鄧粲晉紀曰上身服儉約以先時務性素好酒將渡江王濬深

以諫帝乃令左右進酒飲而覆之自是遂不復飲克已復禮官修其方而中興之業隆焉

謝鯤爲豫章太守從大將軍下至石頭敦謂鯤曰今不

得復爲盛德之事矣鯤曰何爲其然但使自今已後日

亡日去耳

鯤別傳曰鯤之說切雅正皆此類也

敦又稱疾不朝鯤諭敦曰

近者明公之舉雖欲大存社稷然四海之內實懷未達

若能朝天子使羣臣釋然萬物之心於是乃服仗式望

以從衆懷盡沖退以奉主上如斯則勲侔一匡名垂千

載時人以爲名言

晉陽秋曰鯤爲豫章太守王敦時肆逆以鯤有時望逼與俱行既克京邑

將旋武昌鯤曰不就朝覲鯤懼天下私議也敦曰君能保無變乎對曰鯤近日入覲主上側席遲得見公宮省穆然必無不虞之慮公若入朝鯤請侍從敦曰正復殺君等數百何損於時遂不朝而去

元皇帝時廷尉張闔

葛洪富民塘頌曰闔字敬緒甘陽人張昭孫也中興書曰闔晉陵內

史甚有威德轉至廷尉卿

在小市居私作都門蚤閉晚開羣小患之

詣州府訴不得理遂至撾登聞鼓猶不被判聞賀司空

出至破岡逋名詣賀訴

賀循別傳曰循字彥先會稽山陰人本姓慶高祖純避漢帝諱

改爲賀氏父劭吳中書令以忠正見害循少嬰家禍流
放荒裔吳平乃還秉節高舉元帝爲安東王循爲吳國

內史賀曰身被徵作禮官不關此事羣小叩頭曰若府君

復不見治便無所訴賀未語令且去見張廷尉當爲及
之張聞即毀門自至方山迎賀賀出見辭之曰此不必
見闕但與君門情相爲惜之張愧謝曰小人有如此始
不即知蚤已毀壞

郝太尉晚節好談既雅非所經而甚矜之

中興書曰鑿少好學博覽

雖不及章句而多所通綜後朝覲以王丞相末年多可恨每見必欲

苦相規誡王公知其意每引作它言臨還鎮故命駕詣丞相丞相翹須厲色上坐便言方當乖別必欲言其所見意滿口重辭殊不流王公攝其次曰後而末期亦欲盡所懷願公勿復談郗遂大曠冰衿而出不得一言

王丞相爲揚州遣八部從事之職顧和時爲下傳還同時俱見諸從事各奏二千石官長得失至和獨無言王問顧曰卿何所聞荅曰明公作輔寧使網漏吞舟何緣采聽風聞以爲察察之政丞相咨嗟稱佳諸從事自

視缺然也

蘇峻東征沈充

晉陽秋曰充字士居吳興人少好兵詔事王敦敦克京邑以充爲車騎將軍領

吳國內史明帝伐王敦充率衆就王舍謂其妻曰男兒不建豹尾不復歸矣王敦死充將吳儒斬首於京都

請吏部郎陸邁與俱

陸碑曰邁字功高吳郡人器識清敏風檢澄峻累遷振威太守尚書

吏部郎

將至吳密勅左右令人閭門放火以示威陸知其

意謂峻曰吳治平未久必將有亂若爲亂階請從我家

始峻遂止

陸玩拜司空

玩別傳曰是時王導都鑿庾亮相繼也俎朝野憂懼以玩德望乃拜司空玩辭讓不

獲乃嘆息謂朋友曰以我爲三公
是天下無人矣時人以爲知言

有人詣之索美酒得自

起瀉著梁柱間地祝曰當今之才以爾爲柱石之用莫
傾人棟梁玩笑曰戢卿良箴

小庾在荊州公朝大會問諸僚佐曰我欲爲漢高魏武

何如翼別見宋明帝文章志曰庾翼名華豈應托
猶如此哉時若有斯言亦傳聞者之謔笑一坐

莫荅長史江彪曰願明公爲桓文之事不願作漢

高魏武也

羅君長爲桓宣武從事

合別傳曰刺史庾亮初命舍
爲部從事桓溫臨州轉參軍

謝鎮西作江夏往檢校之

中興書曰尚爲建武將軍江夏相

羅既至初

不問郡事徑就謝數日飲酒而還桓公問有何事君章云不審公謂謝尚何似人桓公曰仁祖是勝我許人君章云豈有勝公人而行非者故一無所問桓公竒其意而不責也

王右軍與王敬仁許玄度竝善二人亡後右軍爲論議更克孔巖誠之曰明府昔與王許周旋有情及逝沒之後無慎終之好民所不取右軍甚愧

謝中郎在壽春敗臨奔走猶求玉帖鐙太傅在軍前後

初無損益之言爾曰猶云當今豈須煩此

按萬未死之前安猶未仕

高卧東山又何肯輕入軍旅邪世說此言迂謬

王大語東亭卿乃復論成不惡邪得與僧彌戲

續晉陽秋曰珉

有雋才與兄珣並有名聲出珣右故時人爲之語曰法護非不佳僧彌雖爲兄

殷覲病困看人政見半面殷荊州與晉陽之甲

春秋公羊傳曰

晉趙鞅取晉陽之甲以逐荀寅士吉射寅吉射者君側之惡人

往與覲別涕零屬以消

息所患覲荅曰我病自當差正憂汝患耳

晉安帝紀曰殷仲堪

舉兵觀弗與同且以已居小任唯當守局而已晉陽之事非所宜豫也仲堪每邀之觀觀曰吾進不敢回退不敢異遂以憂卒

遠公在廬山中

豫章舊志曰廬俗字君孝本姓匡夏禹苗裔東野王之子秦末百越君長與吳

芮助漢定天下野王亡軍中漢八年封俗鄱陽男食邑茲部印曰廬君俗兄弟七人皆好道術遂寓于洞廬之山故世謂廬山孝武元封五年南巡狩浮江觀觀神靈乃封俗爲大明公四時秩祭焉遠法師廬山記曰山在江州尋陽郡左挾彭澤右傍通川有匡俗先生出自殷周之際迺世隱時潛居其下或云匡俗受道于仙人而共遊其嶺遂託室崖岫即巖成館故時人謂爲神仙之廬而命焉法師遊山記曰自託此山二十三載再踐石門四遊南嶺東望香爐峯北眺九江傳聞有石井方湖中有赤鱗躍出野人不能叙直嘆其奇而已矣

雖

老講論不輟弟子中或有墮者遠公曰桑榆之光理無
遠照但願朝陽之暉與時並明耳執經登坐諷誦朗暢
詞色甚苦高足之徒皆肅然增敬

桓南郡好獵每田狩車騎甚盛五六十里中旌旗蔽塞
騁良馬馳擊若飛雙甄所指不避陵壑或行陳不整鷹
兔騰逸參佐無不被繫束桓道恭玄之族也

桓氏譜曰
道恭字祖

猷彛同堂弟也父赤之太學博士道恭
歷淮南太守僞楚江夏相義熙初伏誅時爲賊曹叅軍

頗敢直言常自帶絳綿繩著腰中玄問此何爲荅曰公

獵好縛人士會當被縛手不能堪芒也玄自此小差

王緒王國寶相爲脣齒並上下權要

王氏譜曰緒字仲業太原人祖延父

人撫軍晉安帝紀曰緒爲會稽王從事中郎以佞邪親幸王珣王恭惡國寶與緒亂政與殷仲堪克期同舉內匡朝廷及恭表至乃新緒以祝諸侯國寶平北將軍坦之第三子太傅謝安國寶婦父也悉而抑之不用安亮相王輔政遷中書令有妾數百從弟緒有寵於王深爲其說國寶推動內外王珣王恭殷仲堪爲孝武所待不爲相王所眄恭抗表討之卓犖又爭之會稽王既不能拒諸侯兵遂委罪國寶付廷尉賜死

王大不

平其如此乃謂緒曰汝爲此歛歛曾不慮獄吏之爲貴

乎史記曰有上書告漢丞相欲反文帝下之廷尉勃既出歎曰吾嘗將百萬之軍安知獄吏之爲貴也

桓玄欲以謝太傅宅爲營謝混曰召伯之仁猶惠及甘

棠

韓詩外傳曰昔周道之隆召伯在朝有司請召民召伯曰以一身勞百姓非吾先君文公之志也乃暴處

於棠下而聽訟焉詩人見召伯休息之棠美而歌之曰蔽芾甘棠勿剪勿伐召伯所蒞文靖之德

更不保五畝之宅玄慙而止

捷悟第十一

揚德祖爲魏武主簿時作相國門始構棟桷魏武自出看使人題門作活字便去揚見即令壞之既竟曰門

中活闊字王正嫌門大也

文士傳曰楊修字德祖弘農人太尉彪子少有才學思幹魏武

爲丞相辟爲主簿修常白事如必有反覆故豫爲答對
數紙以次牒之而行教守者曰向白事必教出相及復
若業此次第連答之已而風吹紙吹亂守者不別而遂
錯誤公怒推問修慙懼然以所白甚有理終亦是修後
爲武帝
所誅

人餉魏武一栝酪魏武噉少許蓋頭上題合字以示衆
衆莫能解次至楊脩脩便噉曰公教人噉一口也復何
疑

魏武嘗過曹娥碑下楊脩從碑背上見題作黃絹幼婦
外孫齏臼八字魏武謂脩曰解不答曰解魏武曰卿未

可言待我思之行三十里魏武乃曰吾已得令脩別記
所知脩曰黃絹色然也於字爲絕幼婦少女也於字爲
妙外孫女子也於字爲好盤曰受辛也於字爲辭所謂
絕妙好辭也魏武亦記之與脩同乃歎曰我才不及卿

乃覺三十里

會稽典錄曰孝女曹娥者上虞人父盱能撫節按歌婆娑樂神漢安二年迎伍君神

沂濤而上爲水所淹不得其尸娥年十四號慕思乃投爪于江存其父尸曰父在此爪當沈旬有七日爪偶沈遂自投于江而死縣長度尚悲憐其義爲之改葬命其弟子卽鄆子禮爲之作碑按曹娥碑在會稽中而魏武揚脩未嘗過江也異苑曰陳留蔡邕避難過吳讀碑文以爲詩人之作無說妄也因刻石傍作八字魏武見

而不能了以問羣僚莫有解者有婦人浣於汾者曰第
四車解既而襴正平也衡即以離合義解之或謂此婦
人即娥

靈也

魏武征袁本初治裝餘有數十斛竹片咸長數寸衆云
並不堪用正令燒除太祖思所以用之謂可爲竹柶楯
而未顯其言馳使問主簿楊德祖應聲荅之與帝心同
衆伏其辯悟

王敦引軍垂至大桁明帝自出中堂溫嶠爲丹陽尹帝
令斷大桁故未斷帝大怒瞋目左右莫不悚懼

按晉陽
秋鄧紀

皆云敦將至橋燒朱雀橋以阻其兵而云未斷大桁致帝怒大為譎諷一本云帝自勸嶠入一本作散飲帝怒此則近也

召諸公來嶠至不謝但求酒炙王導須臾至徒跣下地謝曰天威在顏遂使温嶠不容得謝嶠於是下

謝帝迺釋然諸公共嘆王機悟名言

郗司空在北府桓宣武惡其居兵權

南徐州記曰徐州人多勁悍號精兵

故桓温帝曰京口酒可飲箕可用兵可使

郗於事機素暗遣戡詣桓方欲共

獎王室脩復園陵世子嘉賓出行於道上聞信至急取戡視竟寸寸毀裂便回還更作戡自陳老病不堪人間

欲乞閑地自養宣武得牋大喜即詔轉公督五郡會稽

太守

晉陽秋曰大司馬將討慕容暉表求申勸平北將軍愔及袁真等嚴辦愔以羸疾求退詔大司馬領

愔所任按中興書愔辭此行溫

責其不從轉授會稽世說爲謬

王東亭作宣武主簿嘗春月與石頭兄弟乘馬出郊時

彥同遊者連鑣俱進

石頭桓遐小字中興書曰遐字伯道溫長子也仕至潒州刺史

惟

東亭一人常在前覺數十步諸人莫之解石頭等既疲倦俄而乘輿回諸人皆似從官唯東亭弈弈在前其悟捷如此

夙慧第十二

賓客詣陳太丘宿太丘使元方季方炊客與太丘論議
二人進火俱委而竊聽炊忘著箪飯落釜中太丘問炊
何不餽元方季方長跪曰大人與客語乃俱竊聽炊忘
著箪飯今成糜太丘曰爾頗有所識不對曰仿佛志之
二子俱說更相易奪言無遺失太丘曰如此但糜自可
何必飯也

何晏七歲明惠若神魏武竒愛之因晏在宮內欲以爲

子晏乃畫地令方自處其中人問其故答曰何氏之廬

也魏武知之即遣還

魏畧曰晏父早亡太祖爲司空時納晏母其時秦宜祿阿繆亦

隨母在宮並寵如子常謂晏爲假子也

晉明帝數歲坐元帝膝上有人從長安來元帝問洛下消息潜然流涕明帝問何以致泣具以東渡意告之因問明帝汝意謂長安何如日遠答曰日遠不聞人從日邊來居然可知元帝異之明日集群臣宴會告以此意更重問之乃答曰日近元帝失色曰爾何故異昨日之

言邪答曰舉日見日不見長安

司空顧和與時賢共言張玄之顧敷是中外孫年並

七歲

顧愷之家傳曰敷字祖根吳郡吳人湣然有大成之量任至者作郎二十三卒

在牀邊戲

子時聞語神情如不相屬與於燈下二兒共叙客主之言都無遺矣顧公越席而捉其耳曰不意衰宗復生此寶

韓康伯數歲家酷貧至大寒止得襦母殷夫人自成之令康伯捉熨斗謂康伯曰且著襦尋作複幘兒云已足

不須復暉也母問其故答曰火在熨斗中而柄熱今既著襦下亦當煥故不須耳母甚異之知爲國器

晉孝武年十二時冬天晝日不著複衣但著單練衫五六重夜則累茵褥謝公諫曰聖體宜令有常陛下晝過

冷夜過熱恐非攝養之術帝曰晝動夜靜

老子曰躁勝寒靜勝熱此

言夜靜寒宜重肅也

謝公出嗟曰上理不減先帝

簡文帝善言理也

桓宣武薨桓南郡年五歲服始除桓車騎與送故文武

別

桓冲別傳曰冲字玄叔温弟也累遷車騎將軍都督七州諸軍事

因指語南郡此皆

汝家故吏佐立應聲慟哭酸感傍人車騎每自目已坐
曰靈寶成人當以此坐靈之靈寶立鞠愛過於所生小字也

豪爽第十三

王大將軍年少時舊有田舍名語音亦楚武帝嘆時
共言伎藝事人皆多有所知唯王都無所關意色殊異
自言知打鼓吹帝令取鼓與之於坐振袖而起揚槌
擊音節諧捷神氣豪上傍若無人舉坐嘆其雄爽

或曰救苦

坐武昌釣臺聞行船打鼓嗟稱其能俄而一槌小共救
以扇柄撞几曰可恨應侍側曰不然此是回颿槳使視

之云松人入夾口應
知鼓又善於教也

王處仲世許高尚之目嘗荒恣于色體爲之弊左右諫
之處仲曰吾乃不覺爾如此者甚易耳乃開後閣驅諸
婢妾數十人出路任其所之時人嘆焉

鄧梨晉紀曰教
性簡脫口不言

財其存
尚如此

王大將軍自目高朗踈率學通左氏

晉陽秋曰教少稱
高率道朗有鑒才

王處仲每酒後輒詠老驥伏櫪志在千里烈士暮年壯
心不已

魏武帝
樂府詩

以如意打唾壺壺口盡缺

晉明帝欲起池臺元帝不許帝時爲太子好養武士一

夕中作池比曉便成今太子西池是也

丹陽記曰西池
孫登所創吳史

所稱西苑也明

帝修復之耳

王大將軍始欲下都處分樹置先遣叅軍告朝廷諷旨

時賢祖車騎尚未鎮壽春瞋目厲聲語使人曰卿語阿

黑教小何敢不遜催攝回去須臾不爾我將三千兵掣

腳令上王聞之而止

庾穉恭既常有中原之志文康時權重未及已及季

堅作相忌兵畏禍與穉恭歷同異者久之乃果行傾荆

漢之力窮舟車之勢師次於襄陽

漢晉春秋曰翼風儀美功才能豐曉少有

經緯大畧及繼兄亮居方州之任有匡維內外掃蕩羣凶之志是時杜乂殷浩諸人盛名冠世翼未之貴也常曰此輩宜束之高閣俟天下清定然後議其所任耳其意氣如此唯與桓溫友善初期以寧濟宇宙之事初翼輒發所部奴及車馬萬數率大軍入河州誅伐狄逆次于褒陽翼別傳曰翼爲荆州雅有三志每以門地戚重兄弟寵授不陳力竭誠何以報國雖蜀阻險塞胡負凶力然皆無道酷虐易可乘滅當此時不能掃除二寇以復王業非丈夫也於是徵役三州悉其帑實成衆五萬兼率荒附治戎大舉直指魏趙軍次褒陽耀威漢北也

大會參佐陳其旌甲親授弧矢曰我之此行若此射矣

遂三起三疊徒衆屬目其氣十倍

桓宣武平蜀集叅僚置酒於李勢殿巴蜀搢紳莫不來
萃桓既素有雄情爽氣加爾日音調英發叙古今成敗
由人存亡繫才其狀磊落一坐嘆賞既散諸人追味餘
言于時尋陽周馥曰恨卿輩不見王大將軍

中興書曰
馥周撫孫

也字湛隱有將
畧曾作教掾

桓公讀高士傳至於陵仲子便擲去曰誰能作此溪刻

自處

皇甫謐高士傳曰陳仲子字子季終齊人兄戴相齊
食祿萬鍾仲子以兄祿爲不義乃適楚居於陵曾

乏糧三日匍匐而食并李之實三咽而後能視身自縊
屢令妻擗纊以易衣食嘗歸省母有饋其兄生鵝者仲
子嘖頰曰惡用此鵝鵝爲哉後母殺鵝仲子不知而食
之凡自外入曰鵝鵝肉邪仲子出門哇而吐之楚王聞
其名聘以爲相乃夫

婦逃去爲人灌園

桓石虔司空豁之長庶也

豁別傳曰豁字朗子溫之弟累遷荊州刺史贈司空

字鎮惡年十七八未被舉而童隸已呼爲鎮惡郎嘗住

宣武齋頭從征枋頭車騎沖沒陳左右莫能先救宣武
謂曰汝叔落賊汝知不石虔聞之氣甚奮命朱辟爲副
策馬於數萬衆中莫有抗者徑致沖還三軍嘆服河朔

後以其名斷瘡

中興書曰石虔有才幹有史學果有戰功仕至豫州刺史贈後軍將軍

陳林道在西岸

晉陽秋曰遠為西中郎將領淮南太守戍歷陽都下諸人共要

至牛渚會陳理既佳人欲共言折陳以如意拄頰望鷄

籠山嘆曰孫伯符志業不遂

吳錄曰長沙桓王諱策字伯符吳郡富春人少有雄

姿風氣年十九而襲業衆號孫郎平定江東為許貢客射破其面引鏡自照謂左右曰面如此豈可復立功乎乃謂張昭曰中國方亂夫以吳越之衆三江之間足以觀成敗公等善相吾弟呼大皇帝授以印綬曰舉江東之衆決機于兩陳之間卿不如我任賢使能各盡其心我不如卿慎勿北渡語畢而薨年二十有六於是

竟坐不得談

王司州在謝公坐詠入不言兮出不辭乘回風兮載

雲旗

離騷九歌少司命之辭

語人云當爾時覺一坐無人

桓玄西下入石頭外白司馬梁王奔叛

續晉陽秋曰梁王珍之字景度

中興書曰初桓玄篡位國人有孔璞者奉珍之奔尋陽義旗既興歸朝廷仕至太常卿以罪誅


玄時事

形已濟在平乘上笳鼓並作直高詠云簫管有遺音

梁王安在哉

阮籍詠懷詩也

世說新語卷中之下



總校官庶吉士 臣張能照

校對官助教 臣金學詩

謄錄監生 臣趙興吾